

Иһэр ууну онгоруон таһаарааччылары хонтуруоллуубут

Аһыйах сыллаабыта, иһэр ууну атыылаһан иһиэхпит диэтэхтэринэ, күлүөх санаабыт кэлэрэ. Кыраантан кутуллар босхо кэлэр ууну испэккэ, атыылаһан иһэр олоруохпут дуу диэх курдук саныырбыт. Онтон билигин ыраас иһэр ууну атыылыыр үбү-харчыны хото киллэрэр бизнес биир туруктаах көрүнгэ буолла. Ол иһин бу эйгэҕэ кэлинги сылларга мээһэ, сокуоннайа суох үлэлиир дьон эмиэ элбээтилэр. Маны хонтуруоллуур сыалтан Дьокуускайга Иһэр ууну онгоруон таһаарааччылар ассоциациялара үлэтин саҕалаата.



Балаҕан ыйын 19 күнүгэр олохтоох дьаһалта аактабай саалатыгар онгоруон таһаарааччылар кыһалҕаларын ырытар координационнай сүбэ буолан ааста. Манна Иһэр ууну онгоруон таһаарааччылар ассоциацияларын сэкэрэтээрэ Николай Максимович Уаров, иһэр ууну тарҕатааччылары хас биирдиилэрин бэрэбиэркэлээһини тэрийиэхтэринэ диэн этии киллэрдэ. Биһиги Николай Максимовичтың көрсөн бу бизнес сөргөх көрүнгүн туһунан сийилии кэпсэттибит.

- Николай Максимович, Дьокуускайга төһө элбэх иһэр ууну онгоруон таһаарааччылар баалларый?

- Биһиги билэрбитинэн, 40

онгоруон таһаарааччы баар. Ол эрэн, билингитэ ассоциацияга 12 эрэ онгоруон таһаарааччы кирирдэ.

- Ассоциация тэриллэн эрэр диэни бары иһиттэхтэрэ дии?

- Барыларыгар билиһиннэри сурук ыһыппыт. Ассоциацияга кириллэригэр биһиги көннөрү буолбакка, сокуонна сөп түбэхэр докумуоннары ирдиитбит. Баар сорох-сорохтон онтон иннибит буолуохтарын сөп. Тоҕо диэтэргэ, иһэр уунан сокуоннайа суохтук дьарыктанар дьонно бааллар.

Дьингэ, иһэр ууну онгоруон таһаары диэн бу олус уустук, пищевой промышленнас буоларынан САН-нар ирдиир нормативтарын барытын тутуһан үлэлиэх тустаахтар. Биһиги билигин билэрбитинэн, ууну гаржатарга, оморор дьэ магнайгы этээстэригэр, кирдээх ханнык да нуормага сөп түбэспэт дьэтигэр куталлар эбит. Бу дьон туох даҕаны эбии үлэҕэ үп-харчы укпат буоланнар сыаналара биллэ намыһах буолар, онон дьон болҕомтотун тардаллар. Онон дьингэһи санааларын

ууран, кыһаллан туран үлэлиир дьоммут клиентэрэ суох хаалаллар. Ол иһин ассоциация иһэр ууну онгоруон таһаарааччылары хонтуруоллуур, суобаһа суохтук үлэлиилэри булан сокуон илиитигэр туттарар эбэтэр салгы сайдыан үлэлиэн баҕалаахтарга көмөлөһөр сыаллаах-сороктуу тэрилиннэ.

- Дьокуускайга 40-ча эрэ ууну онгоруон таһаарааччы баар диигит дии, итиннэ ууну кутан биэрээччилэр киририлэр дуу?

- Манна тус-туһунан өйдөбүл баар. Ууну быгыылкаларга кутан, хахтаан, этикеткэлээн, тиксэрэн биэрээччилэртэн ирдэбил олох атын. Онтон көннөрү атыылаһааччы иһитигэр кутан биэрээччтэн ирдэбил судургу соҕус. Тоҕо диэтэххэ, көннөрү кутан биэрээччи киһи клиентин иһитин иннигэр эппиэтинэһи сүкпэт. Өскөтүн киһи уу кутуллар пууннарыттан ылан ууну иһэн баран ыалдыр түгэнигэр уу кутааччыны хайдах да эппиэттэтэр кыахпыт суох. Онтон ыраастанан, сыаха хаппахтанар иһит хайаатар даҕаны норманы

тутуһан оҥоһуллуохтаах. Сыаха хаппахтаммыт ыраас ууну атыылаһан иһэн баран киһи ыалдыр түгэнигэр төһө баҕарар суттаһан сөп.

- Билигин ассоциацияга ханнык хампаанньалар баалларын билиэххэ сөп дуу?

- «АкваVS», «Ледник», «Ледовица», «Кристалл Премиум», «Якутянка», «Тамма+», «Аква-лайф», «Аква Премиум», «Ручеек», «Родничок», «Росинка», «Элит Аква».

- Балар ол аата туох баар докумуоннара баар буоллахтара дии...

- Туох баар докумуоннара баарын ааһан, бу хампаанньалар кыбаартал аайы анализ туттараллар: Кылгас химической анализ, вирусология, бактериология, радиология, уу өндөр-дүһүнүгэр уо.д.а.

- Уопсайынан, Дьокуускайга уу туруга хайдаһый? Сакаастаабакка дьэ фильтртынан уубун кыраантан ылан ыраастаан иһиэхпин сөп дуу?

- Мин бэйэм эмиэ уунан дьарыктана сылдыбытым. Онно биһиги уубутугар аналлаах

фильтрдары сакаастаан ылаары уубутун созуруу анализка ыһыппытыгар, олус диэн сөхпүттэр этэ. Ууну ыраастыыр фильтрдар эһиэхэ барсыбаттар, арай канализацияны ыраастыыр фильтры сакаастааххытына табыллар диэн эппиэти ыһыппытара. Билэрбит курдук, Дьокуускайбытыгар ууну хомуйарбыт олус борустуой, ону ыраастаары хлору куталлар. Оттон хлор диэн биир өттүнэн ыллахха, дьаат буоллаҕа дии. Онон дьэ фильтра биһиги уубутун кыайбат. Ууну онгоруон таһаарааччылар сыахтарыгар бисти-алталы фильтр турар, олоҕо да сороҕор кыайбат курдук буолааччылар.

- Уу кутааччылар кыраан уутун ыраастыыллар дуо?

- 95%-нара кыраан уутун ыраастыыллар уонна байыталлар. Онтон скважина уута олох аһыйах буолар. Скважина уутун туһанарга недропользование эһин туһунан анал көңүл ирдэнэр. Ону уу этикеткэтигэр булан ааһаххытын сөп.

Вероника Александрова

Махтанар буол

Бу олоххо олоҕор махтанар эрэ ситиһилээх киһи буолар. Кыһалҕа буоллун, үөрүү буоллун барытыгар махтанан иһэр киһи ис кыаҕа бөҕө буолар. Киһи бэйэтин итэҕэлигэр олоҕуран Айыларга, таңараларга махтанын сөп. Ол эрэн итэҕэлтэн арыый ыраах буоллаххына, Наполеон Хилл методикатын туһаныаххын сөп. Наполеон Хилл "Ключ который открывает путь к деньгам" диэн кинигэтигэр предпринимателлэргэ анаан манньк сүбэни биэрэр:

"Мин киһэ аайы, төгүрүк остуолга олорон бүгүңнү ситиһибин бөҕөргөтөн, аҕыс принцка махтанабын. Кинилэр илэ бэйэлэринэн, аттыбар кэ-

лэн олорор курдук саныбын. Итэҕэй, итэҕэйимэн, бу аҕыс принц тус бэйэм олоххо үгүһү ситиһэрбэр көмөлөстүлэр. Ити мин арыыйым. Мээхэ итэҕэйбэт буоллаххытына, Морзе, Маркони, Эдисон, Форд арыыйыларын ылыммыккыт курдук, көннөрү итэҕэйим.

Баайы-дуолу аҕалааччы принц. Эн миигин сүрэхпин-быарбын, өйбүн-санаабын арыяннгын, байар-тайар суолга үктэннэрбитин иһин махтанабын.

Чөл буолууну түстүүр принц. Доруобай буоларга санаабын ууран күннэтэ хас биридди клеткабын доруобуя энергиятын толорорум иһин махтанабын.

Киэн-холку буоларга үөрэтэр принц. Араас хааччатыыр, бобор-хаайар санаалары мин өйбүттэн-санаабыттан суохтынан, сайдыы суолугар сирдири иһин махтанабын.

Эрэли саҕааччы принц. Бүгүн туолуо диэн эрэнэ санаабыппын барытын олоххо киллэрбитин иһин махтанабын, сарсын эмиэ эрэммиппин олоххо киллэриэн диэн эрэнэбин.

Итэҕэли инэрээччи принц. Миигин олох суолун устун сырдыкка, кэрэҕэ эрэ сирдээн иһэриң иһин махтанабын, эн мин санааларбын айылҕа дьин кыагынан угуттуугун.

Тапталы биэрэр принц. Бүгүн көрсүбүт дьоммун кытта таптал диэн сүдү баайынан үллэстибитим иһин махтанабын. Дьону мунгура суох таптыыр буоламмын, кини-

лэргэ үтүөнү онгору баҕаттан таһаарылаахтык үлэли-хамсы сылдыарым иһин махтанабын. Онтон кинилэр тапталла-ра миэхэ махатал, баай-дуол буолан кэлэриң иһин махтанабын. Мин таптыыртан дьоллонобун.

Романтика принца. Мин баччаанна диэри эдэр эрчимнэх сылдыарым иһин махтанабын.

Өркөн өйү угар принц. Мин олохпор буолбут туох баар кыһалҕалары, түһүүлэри-тахсыылары холбуу тутан, мин күүстээх санаалаах, өркөн-өйдөөх киһи буолан чочулан тахсарбар сабыдыаллаабытын иһин махтанабын."

Бу Наполеон Хилл XIX-с үйэ бүтүүтэ, XX-с үйэ саҕаланыыта, Америка саамай чэчири сайдар кэмигэр айан-тутан ааспыт киһи, кини үөрэҕэ суох түңкэтэх дэриэбинэҕэ улааппыта, кэлин

үөрэхтэнэн, оччотооҕу предпринимателлэр олохторун чинчийэн, ситиһи кистэлэнгин арыян баайы-дуолу хайдах ситиһэр туһунан сурунаал таһаарбыта. Наполеон Хилл таһаарбыт сурунаала үгүс предприниматели кынаттаабыта, дойдуларын экономикага сайдарыгар күргүөмнээхтик түһүмүттэрэ. Ол суолу биһиги билигин тэлэн эрэбит.

Котировкалар	
USD ЦБ	58,09
EUR ЦБ	69,67
Нефть	55,42
Биржа курса	
USD MOEX	58,12
EUR MOEX	69,72